

做囡仔時代

播出時間：2020 / 4 / 29

星期三 中午 12：00

報報小達人：807 林珮筠

稿件編輯：陳思恩老師

各位老師，各位同學，大家午安，我是 807 林珮筠，我是今天的報報小達人，今天，我要為大家播報的內容，是：做囡仔時代

細漢的時陣，讀冊去學校用步輦差不多愛點外鐘。毋過，因為阿爸佇電力公司食頭路，拜一的時陣，會使順繼坐交通車。有一項毋好的所在就是愛較早起來。有一擺我青磅白磅從去坐車，阿母煞對後壁逐過來，共冊包對頭前傳過來，逐家攏知我干焦趕欲坐車，煞袂記得愛揸冊包，這馬想起來實在真見笑。

以早一年仔的學生傷濟，上課愛分早起抑是下晡。有一擺是中晝才去讀冊，同學佱我行到位的時陣，感覺時間猶閣冗剩，就去溪仔邊掠魚耍水。等時間袂赴矣，才緊對小路從去。無拄好，拄咧修路，小路煞變做兩枝長長的竹篙，行佇咧竹篙面頂，若準跋落去下跤，後果是不堪設想。我規個人愣佇遐，真正是叫天天袂應，叫地地不靈。我那行那掣，到今這個記持猶深深刻佇我的頭殼內底。

讀五、六年仔的時，就真正是無閒 tshih-tshih。早起時仔去到學校，全班佇教室咧溫習的時陣，老師攏愛叫我寫一寡仔題目跔烏枋予同學練習。有時陣是國語，嘛會使是數學，老師講據在我欲

寫啥物攞會使。不而過，我嘛有變無步的時。欲寫欲出的題目攞寫了矣，姑不而將，家已出題目。有一擺出數學煞一時失覺察，重耽去，按怎算都算袂出來，實在有夠落氣。

下課的時，別人是走去迺迺迺，阮是愛去合作社鬥賣糖仔餅。因為福利社的小姐，一個人干焦兩肢手，跤手無夠應付規大陣的囡仔。頭一擺予挨挨𦞙𦞙𦞙𦞙，吵甲天篷強欲掀起來的囡仔疋驚死。手伸甲直直直，倚佇一格一格的鐵窗仔頭前，一號、八號、十二號，嚨喉喝甲梢聲，就是為著會使食著糖仔餅。

逐家咧運動埕參加升旗典禮的時陣，我佻一个一粒一的麻吉是旗手，愛配合音樂，沓沓仔共旗仔升起去面頂。中晝食飯的時，我佻麻吉愛去放送音樂。彼當陣猶是烏色的曲盤。講誠實的，有的曲盤，阮嘛毋知好聽抑是歹聽，歌聲放落去就著矣！無好聽才閣換另外一塊。我的囡仔時代，遐爾仔心適閣趣味，到今，猶是會深深的數念！

以上是今天的 happy 播，期待下次再相見！